



# PANDUAN PERMOHONAN

## SKIM PREMIS MAKANAN



PENSIJILAN HALAL MALAYSIA  
(domestik)





## TAKRIFAN SKIM

Premis makanan bermaksud bangunan atau apa-apa struktur, kekal atau sebaliknya bagi penyediaan, penyajian dan penjualan sebarang makanan seperti restoran atau kafe, medan selera, kedai bakeri, kantin, kiosk, katering, dapur hotel, premis bergerak seperti trak makanan dan lain-lain. Skim premis makanan merupakan skim pensijilan yang ditawarkan kepada syarikat/pemohon yang mengeluarkan menu untuk kegunaan pemakanan.

## SYARAT DAN KRITERIA PERMOHONAN

- Memiliki Perakuan Pendaftaran Perniagaan yang masih sah daripada SSM atau Perakuan Pendaftaran Koperasi di bawah SKM atau Dokumen Penubuhan di bawah Akta Parlimen atau Kementerian masing-masing dan lain-lain agensi Kerajaan
- Memiliki lesen atau kelulusan daripada PBT atau surat pengesahan / surat sokongan yang masih sah daripada mana-mana agensi Kerajaan
- Memiliki Perakuan Pendaftaran Premis Makanan yang masih sah daripada BKKM
- Beroperasi sepenuhnya sekurang-kurangnya 3 bulan sebelum membuat permohonan SPHM bagi permohonan baharu
- Beroperasi sepenuhnya sekurang-kurangnya 1 bulan di premis baharu bagi syarikat yang berpindah lokasi
- Mengeluarkan atau mengendalikan menu halal sahaja serta mematuhi piawaian halal yang ditetapkan
- Membuat permohonan SPHM ke atas semua jenis menu yang masih dihasilkan di premis berkenaan
- Mengemukakan dokumen sokongan yang jelas menyatakan sumber bahan (bagi bahan semula jadi sahaja)
- Nama syarikat, menu, dan ramuan yang dimohon hendaklah tidak menggunakan pernyataan 'halal' atau sebarang representasi atau diperihalkan dengan cara lain untuk menunjukkan ia boleh digunakan oleh orang Islam

## TIDAK LAYAK MEMOHON

- Menu yang tidak halal
- Syarikat yang mengeluarkan atau mengedar menu halal dan tidak halal
- Tidak memiliki standard atau garis panduan untuk dijadikan rujukan
- Premis makanan yang memberi implikasi negatif terhadap agama dan sosial seperti pusat karaoke dan pusat hiburan
- Penggunaan nama syarikat dan menu yang merujuk kepada tidak halal atau sinonim atau menyerupai dengan produk tidak halal atau apa-apa istilah mengelirukan seperti *ham*, *bak kut teh*, *bacon*, *beer*, *rum*, *hot dog*, *charsiew* dan seumpama dengannya
- Menu yang boleh membawa kepada penyelewengan akidah, perkara khurafat dan penipuan
- Hotel yang mempunyai dapur yang menyediakan atau menyajikan menu berasaskan babi

## PEMROSESAN

Setiap permohonan di bawah Pensijilan Halal Malaysia (Domestik) dikenakan bayaran fi sebanyak **RM20.00** sahaja

## BAYARAN FI MENGIKUT KATEGORI INDUSTRI

Setiap permohonan baharu dan pembaharuan akan dikenakan bayaran fi berikut :

KATEGORI		FI (RM)
INDUSTRI	NILAI PEROLEHAN TAHUNAN	
Mikro	< RM300,000.00	200
Kecil	RM300,000.00 - RM15 Juta	800
Sederhana	RM15 Juta - RM50 Juta	1400
Besar	> RM50 Juta	2000

## PENSIJILAN PREMIS MAKANAN

Setiap permohonan baharu dan pembaharuan dikenakan bayaran fi berikut :

PERMOHONAN PREMIS MAKANAN	FI (RM) SETIAP PREMIS
<ul style="list-style-type: none"> <li>Restoran atau kafe</li> <li>Kantin</li> <li>Kedai bakeri</li> <li>Premis makanan berangkai</li> <li>Premis bergerak</li> <li>Kafeteria di medan selera</li> <li>Kiosk</li> </ul>	200

## SKIM PREMIS MAKANAN (HOTEL)

KATEGORI	FI (RM) SETIAP DAPUR ATAU RESTORAN
4 Bintang ke atas	1000
3 Bintang ke bawah	200

## SKIM PREMIS MAKANAN (KATERING / KHIDMAT PENYAJIAN MAKANAN/ DAPUR PUSAT KONVOKESYEN

INDUSTRI	NILAI PEROLEHAN TAHUNAN	FI (RM)
Kecil	< RM500,000.00	200
Sederhana	RM500,000.00 - RM5 JUTA	800
Besar	> RM5 Juta	1400

## PENAMBAHAN MENU

Setiap permohonan penambahan menu termasuk menu promosi dikenakan bayaran fi sebanyak **RM 200.00** sahaja bagi tempoh 2 tahun

## PENGECUALIAN

MUIS berkuasa mengecualikan bayaran fi bagi mana-mana permohonan yang diuruskan sepenuhnya oleh mana-mana agensi kerajaan

## KAEDAH PEMBAYARAN

- Syarikat/pemohon hendaklah membuat bayaran dalam tempoh **14 hari bekerja** setelah menerima surat caj melalui sistem MYeHALAL
- Kaedah pembayaran fi hendaklah dilakukan secara bayaran dalam talian (*online payment*), *QR Code* dan cek sahaja
- Pembayaran fi hendaklah dibuat atas nama Tetuan Majlis Ugama Islam Sabah
- Setiap pembayaran fi yang telah dijelaskan hendaklah dikeluarkan resit bayaran dan dikemukakan kepada MUIS
- Fi yang telah dibayar tidak akan dikembalikan dan tidak boleh dipindahkan ke permohonan lain
- MUIS berkuasa mengenakan fi tambahan sekiranya maklumat penentuan kadar fi yang dikemukakan oleh syarikat/pemohon adalah tidak tepat





Setiap premis hendaklah memiliki Perakuan Pendaftaran Premis Makanan yang masih sah daripada BKKM



Setiap pengendali makanan hendaklah memiliki Sijil Latihan Pengendalian Makanan daripada institusi yang diiktiraf oleh KKM



Setiap pengendali makanan hendaklah mendapatkan suntikan vaksinasi anti tifoid yang masih sah daripada pengamal perubatan berdaftar



Premis makanan yang mempunyai dapur berpusat hendaklah memiliki SPHM terlebih dahulu di bawah skim produk makanan dan minuman



Keperluan MS 1500:2019 *Halal Food-General Requirements (Third Revision)*, Akta Makanan 1983 (Akta 281), Peraturan-Peraturan Makanan 1985, Peraturan-Peraturan Kebersihan Makanan 2009 serta lain-lain perundangan dan peraturan terkini yang dikuatkuasakan oleh pihak berkuasa berkaitan hendaklah dipatuhi



Premis makanan berangkai yang menggunakan jenama yang sama hendaklah membuat permohonan SPHM bagi setiap rangkaian premis dan permohonan hendaklah diuruskan secara berpusat



Menu yang diisytiharkan pada borang permohonan MYeHALAL hendaklah sama seperti yang dinyatakan pada paparan menu



Hendaklah memohon SPHM bagi semua menu yang disediakan di premis makanan. Menu yang tidak diisytiharkan hendaklah dibuat permohonan penambahan menu



MHMS hendaklah dibangun dan dilaksanakan secara berkesan dengan merujuk kepada Manual MHMS 2020



Syarikat/pemohon yang layak memohon skim premis makanan adalah :

- Pengusaha hotel (dapur/restoran)
- Pengusaha restoran atau kafe
- Pengusaha kantin
- Pengusaha kedai bakeri
- Pengusaha premis makanan berangkai
- Pengusaha catering / khidmat penyajian makanan
- Pengusaha dapur pusat konvokesyen
- Pengusaha premis bergerak
- Pengusaha kafeteria di medan selera
- Pemilik Jenama

Premis makanan hendaklah memenuhi keperluan tambahan yang berikut:

#### **HOTEL (DAPUR/RESTORAN)**

- Minimum 2 orang pekerja Muslim warganegara Malaysia, berjawatan tetap hendaklah dilantik bagi setiap dapur dan bertugas sepanjang tempoh operasi atau syif
- Eksekutif Halal berjawatan tetap hendaklah dilantik bagi setiap cawangan hotel
- JKHD hendaklah ditubuhkan bagi setiap cawangan hotel
- HAS hendaklah dibangun dan dilaksanakan berdasarkan Manual MHMS 2020
- Senarai semua dapur/restoran yang beroperasi di hotel hendaklah dikemukakan
- Penentuan bilangan dapur hotel yang dimohon SPHM hendaklah berdasarkan kawasan atau ruang dapur yang memiliki laluan keluar masuk (*entry access*) yang khusus
- Dapur yang dipersijilkan halal hendaklah mempunyai pengasingan yang jelas dengan dapur yang tidak dipersijilkan halal serta mempunyai mekanisme kawalan halal yang berkesan
- Makanan dan minuman yang dibekalkan untuk peserta program dan penginap hotel hendaklah dari dapur yang memiliki SPHM
- Hidangan dari dapur yang dipersijilkan halal hendaklah tidak bercampur dengan hidangan dari dapur yang tidak dipersijilkan halal
- Makanan dan minumannya yang dibekalkan ke restoran yang dipersijilkan halal hendaklah dari dapur yang memiliki SPHM termasuklah dapur terbuka (*open kitchen*)

#### **KAFETERIA DI MEDAN SELERA (PENGURUSAN SECARA BERPUSAT)**

- Permohonan SPHM hendaklah diuruskan oleh pihak pengurusan medan selera
- Minimum 1 pekerja Muslim warganegara Malaysia berjawatan tetap hendaklah dilantik dan bertugas di kawasan pemprosesan sepanjang tempoh operasi atau syif
- Eksekutif Halal berjawatan tetap hendaklah dilantik di peringkat pengurusan
- JKHD hendaklah ditubuhkan. Wakil penyewa medan selera hendaklah menjadi salah seorang ahli Jawatankuasa Halal Dalamannya
- HAS hendaklah dibangun di peringkat pengurusan dan dilaksanakan di setiap premis makanan berdasarkan Manual MHMS 2020
- Makanan dan minuman hendaklah disediakan di dapur yang dipersijilkan halal

#### **RESTORAN ATAU KAFE, KANTIN DAN KEDAI BAKERI**

- Minimum 1 orang pekerja Muslim warganegara Malaysia, berjawatan tetap hendaklah dilantik bagi setiap premis makanan dan bertugas sepanjang tempoh operasi atau syif
- Penyelia Halal berjawatan tetap hendaklah dilantik di premis makanan
- IHCS hendaklah dibangun dan dilaksanakan berdasarkan Manual MHMS 2020
- Makanan dan minuman hendaklah disediakan di dapur yang dipersijilkan halal
- Syarikat/pemohon yang mempunyai minimum 3 restoran atau kafe, kantin dan kedai bakeri menggunakan jenama sama hendaklah memenuhi keperluan premis makanan berangkai

#### **KATERING / KHIDMAT PENYAJIAN MAKANAN DAN DAPUR PUSAT KONVOKEYEN**



#### **INDUSTRI BESAR DAN SEDERHANA**

- Minimum 2 orang pekerja Muslim warganegara Malaysia, berjawatan tetap hendaklah dilantik bagi setiap dapur atau penyediaan makanan dan minuman sepanjang tempoh operasi atau syif
- Eksekutif Halal berjawatan tetap hendaklah dilantik di setiap premis makanan
- JKHD hendaklah ditubuhkan bagi premis makanan dan setiap cawangan premis makanan yang mempunyai pengurusan operasi berbeza
- HAS hendaklah dibangun dan dilaksanakan berdasarkan Manual MHMS 2020
- Makanan dan minuman hendaklah disediakan di dapur yang dipersijilkan halal
- Permohonan hendaklah merangkumi keseluruhan dapur



#### **INDUSTRI KECIL**

- Minimum 1 orang pekerja Muslim warganegara Malaysia, berjawatan tetap hendaklah dilantik bagi setiap premis makanan dan bertugas sepanjang tempoh operasi atau syif
- Penyelia Halal berjawatan tetap hendaklah dilantik di premis makanan
- IHCS hendaklah dibangun dan dilaksanakan berdasarkan Manual MHMS 2020
- Makanan dan minuman hendaklah disediakan di dapur yang dipersijilkan halal
- Permohonan hendaklah merangkumi keseluruhan dapur premis

#### **PREMIS MAKANAN BERANGKAI**

- Minimum 1 orang pekerja Muslim warganegara Malaysia, berjawatan tetap hendaklah dilantik bagi setiap premis makanan dan bertugas sepanjang tempoh operasi atau syif
- Eksekutif Halal berjawatan tetap hendaklah dilantik di peringkat pengurusan syarikat atau dapur berpusat
- JKHD hendaklah ditubuhkan di peringkat pengurusan syarikat atau dapur berpusat
- HAS hendaklah dibangun di peringkat pengurusan syarikat dan dilaksanakan di setiap premis makanan berdasarkan Manual MHMS 2020

#### **PREMIS BERGERAK**

- Syarikat/pemohon yang membuat permohonan SPHM hendaklah menjalankan penyediaan dan pemprosesan sepenuhnya di premis bergerak berkenaan atau memiliki dapur berpusat
- Minimum 1 pekerja Muslim warganegara Malaysia berjawatan tetap hendaklah dilantik dan bertugas di kawasan pemprosesan sepanjang tempoh operasi atau syif
- IHCS hendaklah dibangun dan dilaksanakan berdasarkan Manual MHMS 2020
- Premis hendaklah beroperasi mengikut lokasi yang ditetapkan oleh pihak berkuasa berkaitan
- Makanan dan minuman hendaklah disediakan di dapur yang dipersijilkan halal
- Tempat simpanan khusus (seperti stor penyimpanan) untuk bahan ramuan dan peralatan hendaklah disediakan bagi premis bergerak yang menjalankan penyediaan dan pemprosesan sepenuhnya di premis bergerak tersebut
- Syarikat/pemohon yang mempunyai minimum 3 premis bergerak jenama sama hendaklah memenuhi keperluan premis makanan berangkai

#### **KIOSK**

- Minimum 1 pekerja Muslim warganegara Malaysia berjawatan tetap hendaklah dilantik bagi setiap premis makanan dan bertugas sepanjang tempoh operasi atau syif
- IHCS hendaklah dibangun dan dilaksanakan berdasarkan Manual MHMS 2020
- Makanan dan minuman hendaklah disediakan di dapur yang dipersijilkan halal
- Syarikat/pemohon yang mempunyai minimum 3 kiosk menggunakan jenama sama hendaklah memenuhi keperluan premis makanan berangkai

## PEMBAHARUAN

- Permohonan SPHM hendaklah dilakukan secara dalam talian (*online*) melalui sistem MYeHALAL di [www.halal.gov.my/v4](http://www.halal.gov.my/v4)
- Permohonan pembaharuan SPHM hendaklah dikemukakan seawal 6 bulan dan selewat-lewatnya 3 bulan sebelum tamat tempoh SPHM
- Permohonan pembaharuan SPHM yang telah tamat tempoh hendaklah dikategorikan sebagai permohonan baharu
- Syarikat/pemohon hendaklah merujuk keperluan pengisian borang permohonan MYeHALAL dan keperluan yang berikut;
  - a) Sebarang penambahan premis makanan dan menu baharu tidak dibenarkan
  - b) Sebarang pengemaskinian maklumat berkaitan nama produk dan jenama hendaklah mengemukakan makluman rasmi kepada MUIS
- Ringkasan bahan mentah atau ramuan hendaklah dikemukakan untuk memudahkan pengenalpastian perubahan dalam permohonan pembaharuan dan permohonan terdahulu
- Permohonan yang tidak lengkap serta tidak mengikut skim dan kategori Pensijilan Halal Malaysia yang betul akan ditolak oleh MUIS
- Permohonan akan diuruskan oleh MUIS berdasarkan skim Pensijilan Halal Malaysia dan alamat pengilang. Syarikat/pemohon boleh mengetahui pegawai yang menguruskan permohonan berdasarkan maklumat yang tertera di akaun pengguna sistem MYeHALAL
- Syarikat /pemohon tidak dibenarkan membuat permohonan pertukaran pihak berkuasa berwibawa yang menguruskan permohonan SPHM
- Dokumen sokongan yang lengkap hendaklah diserahkan kepada MUIS (seperti yang dinyatakan di dalam sistem MYeHALAL pemohon) dalam tempoh 5 hari bekerja setelah borang permohonan MYeHALAL dihantar secara dalam talian (*online*)
- Bayaran fi hendaklah dijelaskan dalam tempoh 14 hari bekerja setelah menerima surat bayaran fi
- Pengauditan lapangan akan dijalankan setelah bayaran fi diterima oleh MUIS



## PENAMBAHAN

- Permohonan penambahan menu dan menu promosi terbuka kepada syarikat/pemohon
- Syarikat/pemohon hendaklah mengemukakan permohonan penambahan menu atau menu promosi bagi premis makanan yang masih sah dan berkenaan sahaja
- Permohonan SPHM hendaklah dilakukan secara dalam talian (online) melalui sistem MYeHALAL di [www.halal.gov.my/v4](http://www.halal.gov.my/v4)
- Borang permohonan MYeHALAL hendaklah diisi dengan lengkap dan hendaklah menepati keperluan yang berikut;
  - a) Semua maklumat hendaklah diisi dengan tepat, terperinci, menyeluruh dan betul. Ini merangkumi maklumat syarikat, bahan mentah, pembekal, produk, menu dan lain-lain yang berkaitan
  - b) Bahan mentah atau ramuan dan produk yang menggunakan kod hendaklah disertakan nama sebenar (bukan hanya *trade name*)
  - c) Nama menu yang dimohon hendaklah diisi sama seperti senarai paparan menu
  - d) Nama menu dalam bahasa asing hendaklah diterjemahkan ke Bahasa Melayu dan/ atau Bahasa Inggeris
- Permohonan yang tidak lengkap dan tidak mengikut skim Pensijilan Halal Malaysia yang betul akan ditolak oleh MUIS
- Permohonan akan diuruskan berdasarkan skim Pensijilan Halal Malaysia dan alamat pengilang. Syarikat/pemohon boleh mengetahui pegawai yang menguruskan permohonan berdasarkan maklumat yang tertera di akaun sistem MYeHALAL
- Syarikat/pemohon tidak dibenarkan membuat permohonan pertukaran pihak berkuasa berwibawa yang menguruskan SPHM
- Dokumen sokongan yang lengkap hendaklah diserahkan kepada MUIS (seperti yang dinyatakan di dalam sistem MYeHALAL pemohon) dalam tempoh 5 hari bekerja setelah borang permohonan MYeHALAL dihantar secara dalam talian (*online*)
- Bayaran fi hendaklah dijelaskan dalam tempoh 14 hari bekerja setelah menerima surat bayaran fi
- Pengauditan lapangan akan dijalankan setelah bayaran fi diterima oleh MUIS
- Penggunaan senarai menu tambahan atau menu promosi yang telah diluluskan hendaklah tertakluk kepada SPHM premis makanan yang masih sah

## PENGGABUNGAN

- Mana-mana permohonan penggabungan SPHM hendaklah diklasifikasikan sebagai permohonan baharu
- Permohonan penggabungan SPHM yang masih sah atau baharu (jika berkaitan) dibenarkan bagi skim produk makanan dan minuman
- Permohonan penggabungan SPHM hendaklah dikemukakan dalam tempoh 6 bulan sebelum tamat tarikh pensijilan
- Penggabungan SPHM hendaklah melibatkan kesemua produk pada SPHM yang masih sah
- Permohonan penggabungan SPHM hendaklah disertakan bersama surat iringan yang jelas menyatakan butiran permohonan terdahulu
- Prosedur permohonan penggabungan SPHM hendaklah mengikuti prosedur Pendaftaran Baharu
- SPHM yang masih sah hendaklah terbatal sekiranya permohonan penggabungan berkenaan diluluskan oleh MUIS
- SPHM yang telah dibatalkan hendaklah diserahkan kepada MUIS